



05484

寇忠愍公詩集卷中

春日登樓懷歸



高樓聊引望杳杳一川平
遠水無人渡孤舟盡日橫
荒村生斷靄深樹語流鶯
舊業通清渭沈思忽自驚

秋思

秋氣動天地恍然情未窮
故園應墜葉昨夜又西風
白草侵危堞寒濤接遠空
捲旆當此景無語夕陽中

再歸秦川

寇忠愍公詩集卷中

一

阮路何方盡西歸興未勞
河流經陝狹山色入秦高
返照明秋壘孤村接暮濤
還如丁令至故里滿蓬蒿

秋夜獨書勉詩友

西風驚萬木危坐思悠哉
故國經年別秋鴻半夜來
人應多棄善天豈不憐才
休學嚴夫子荒涼老釣臺

長安書事

一從洛邑移秦甸三見東郊綻蚤梅蓮府晝開鈴
閣閉柳營春暖射堂開齋壇首冠慙諸將相印兼
營接上台何事燕公輕仗鉞却言分閫是粗才

重陽登高偶作

務閑留上客佳節值重陽旨酒浮仙菊清歌遶畫
梁高城明落日踈樹覺微霜且盡登臨興餘歡尚
未忘

塞上

春風千里動榆塞雪方休晚角數聲起交河水未

寇思愍公詩集中

二

流征人臨迥磧歸雁別滄洲我欲思投筆期封定
遠侯

寓居有懷 時年十四歲

踈林頻落葉孤僻繼離騷獨坐聞鴻遠閑吟見月
高夢回更自永思苦夜何勞寂寂西郊內披衣聽
海濤

重到進公院

五年重到支公院物態人情盡不同唯有寒檉暗
秋色依然蟬噪夕陽中

野步

幽景恣追尋
遲遲傍柳陰
靜思非世務
孤立是閑心
村迥遙峯出
溪明返照侵
片沙招野步
白鷺伴高吟
積雨迴塘漲
微晴疊翠深
春鳩鳴古寺
烟草入平林
迸笋行無定
飛花勢不禁
凝然客亭上
鄉思獨沈沈

秋日原上

蕭蕭古原上
景物感離腸
遠嶠收殘雨
寒林帶夕陽
溪聲迷竹韻
野色混秋光
吟罷還西望
平沙起

寇忠愍公詩集卷中

三

雁行

江上晚望懷所知

遲遲迷遠信
閑立大江隅
遊子在何處
秋風吹五湖
潮迴沙鳥聚
岸濶釣舡孤
歸去還堪歎
田園半已蕪

秦中感懷寄江上知己

念子隔江海
浩然時已秋
蟬鳴關外樹
人在水邊樓
髮白猶搜句
時清尚旅遊
遙思當永夜
不寐向孤舟

水村即事

虛齋臨遠水吟釣度朝晡葦岸秋聲合莎亭鶴影
孤片雲藏疊巘埜燒起寒蕪獨步時吟望離人隔
五湖

莫秋感興

苒苒前期遠窮途一可傷有時聞落葉不語立殘
陽塞草秋先白溪沙晚更光那堪望天末燕雁又
成行

秋夜感興寄吳順之

寇忠愍公詩集卷中

四

耿耿不成寐楚鄉經暮秋故人遙海嶠寒月滿江
樓閉戶生蒼蘚安閑到白頭如何太平日獨不出
汀洲

夜坐有懷寄張士遊

一作遜

清秋吟更僻况復古亭間少夢虫聲碎無風樹影
閑月華澄曲沼霜氣滿空山不見張夫子誰人共
往還

送人下第歸吳

鶯老計還失負書歸故鄉杏園無近路澤國有高

堂白鳥迷幽浦寒猿叫夕陽離懷休墮淚春草正
茫茫

秋訪江上友生所居

苔石半寥落坐來生遠愁故人應罷釣寒葉自驚
秋村隔平沙暝江和莫靄流徘徊不能去此處有
扁舟

冬夜旅思

年少嗟羈旅烟霄未進能江樓千里月雪屋一龕
燈遠信憑邊雁孤吟寄嶽僧爐灰愁擁坐硯水半

寇忠愍公詩集卷中

五

成冰

貽趙少府

夫君何感命十載困風塵薄宦須流落孤吟更苦
辛山寒泉易凍邊近草難春珍重常招隱慙非孟
子鄰

春日懷張曙

時年十六歲

不見張夫子巖花幾度新久閑空賦命遠別更傷
春雨艇愁天末烟兼惡渭濱應嗟年未冠已作異
鄉人

初夏雨中

綠樹新陰暗井桐雜英當砌墜疎紅重門寂寂經
初夏盡日垂簾細雨中

感興寄蓮嶽一二詩禪友

西風傷遠別前計竟成非芳草此時莫故山何日
歸禪應同雅道貧合長天機翻憶雲溪伴無膠對
落暉

贈隱士

夫子才名重貧居志未勞吟當寒夜苦閑到白頭

寇忠愍公詩集卷口

六

高心地通禪寂田園近海濤不知千載後誰更續
離騷

湖上作

極目望南浦望中生遠思雁沈芳草渡燒斷夕陽
陂歲月寒萍梗江山念別離猶餘清夜夢暫與白
雲期

有懷

秦川春婉晚漢水路迢遙不待凭危檻離魂已暗
銷

送李生歸秦中

酒闌還執手之子擬歸秦風雪過殘歲山川近早
春又遊詩思苦遠別柳條新後會知何日空餘淚
滿巾

書懷寄章山人

萬事不關慮孤吟役此生風騷中旨趣山水裏心
情衆木彫寒色空江噴暮聲終期謁君子同遠綠
苔行

閑夜圍碁作

寇忠愍公詩集碁中

七

碁
歸山終未遂折柱復何時且共江人約松軒雪夜

紙鷲

飛
碧落秋方靜騰空力尚微清風如可託終共白雲

春雨

啼
散亂螢花塢空濛暗柳堤望迴腸已斷何處更鶯

夜坐懷故友

西風起窮巷衆木又彫零蕙浦月華白竹窓燈影
青故人難重見鄰笛不堪聽行傍秋池上孤吟對
遠星

南陽市上各賦玉蝴蝶花一絕

堪賞東君造化奇裝成蝴蝶滿纖枝粉融輕翅攢
香蘂疑是尋芳未去時

鄴北旅中懷友人

浮世多塵事悠悠難定期夢闌懷遠夜秋盡望鄉
時道在應無悶風澆自業詩何當窮釣渚措肘一

沈思

寇忠愍公詩集卷中

八

弔任瓘處士

一生長抱恨終亦是貧居遺信留孤鶴營墳賣古
書竹齋無俗物秋圃有寒蔬福善何言昧悠然望
太虛

秋懷

落日留不住默然空淚零敗莎侵陋巷疎葉滿閑
庭有趣窮風雅無機敵杳冥浮榮安足戀歸去亂
山青

送友生下第南歸

頻頻退禮闈此去欲忘機
霄漢貧難達江湖老獨歸
程遙秋浪疊村暝夜燈微
應使為儒者翻悲苦業非

邊城春望

獨望原西路離襟倍黯然
青山遮故國絕塞度新年
風聚沙迷岸烟開燒滿川
歸心正無際驃騎莫留連

草

寇忠愍公詩集卷中

九

獨步高原上依依動所思
無人尋蕙徑落日滿江湄
楚澤晴芳處秦川晚翠時
此中興廢事千古復誰知

送左眉川之任

分官離法署承命守眉州
山館隣孤寺春城過亂流
江雲長映日蜀魄似悲秋
到郡揚清政遺黎病必瘳

楚江夜懷

西風生遠水蕭颯度吟臺
明月夜還滿故人秋未

來寒蛩啼暗壁敗葉下蒼苔誰念空江外年年首
重迴

春日書懷

曾讀前書笑古今恥隨流俗信浮沈終期直道扶
元化敢為虛名役片心默坐野禽啼晝景閉門官
柳長春陰世間事了須先退不待霜毛漸滿簪

離京日作

離歌豈忍樽前聽別恨無由醉裏消
余久不飲酒故有是句
惟有夢魂歸北闕不知京洛路迢遙

吳思聰公詩集卷中

十

夜泊江上

歲莫峽中村維舟古樹根羣峰初落日夜後獨聞
猿流水自無盡客愁那可論平明離楚岬迢遞指
吳門

新蟬

寂寂宮槐雨乍晴高枝微帶夕陽明臨風忽起悲
秋思獨聽新蟬第一聲

寄獻廣南許虞部

南國江山五十州星郎從此播芳猷詩窮雅道皆

清唱官重名曹未白頭望斷蠻村烟樹遠吟殘嶺
月海風秋三年政滿迎丹詔諫署重膺仄席求

送吉上人

新鴻并落葉正逐朔風飛此地仍分首何山是所
歸問程雲棧遠宿館雨燈微莫恨天涯別重尋志
未遠

秋夕書懷

官路時風漸識情一悲前計遠愁生深秋寒氣侵
燈影半夜踈林起雨聲縣印終年拘吏役烟蕪何
日避浮名窮通休問菓蓮骨大抵無徒是至清

寇忠愍公詩集卷中

十一

春郊閑望

風騷高處謝知音公退何妨縱野吟弱柳不能牽
別恨片雲應念識閑心沙平古岸春潮急門掩殘
陽莫草深凝望江臯動幽興數聲鐘磬出西林

雨中書事

一雨起前浦霏微向暮秋誰方眠釣艇我獨在江
樓山晦峯巒隱烟凝島嶼幽何當見晴旭一得泛
迴舟

夜懷寄友生

遙夜獨無趣，恍然思故交。
泉聲飛石壁，星影動林梢。
志壯難低俗，情閑任獻嘲。
秋山雖入望，猶不似衡茅。

秋夜懷歸

背窓寒燭影沈沈，楚客鄉思欲不禁。
板閣漏殘人自遠，水螢光淡夜方深。
牢愁聞雨眠踈屋，歸夢隨雲徹故林。
憶着烟村舊風景，柿紅時節又鳴砧。

夏夜閑書

雨濛村落野梅黃，茅閣長吟水氣涼。
幽鳥遠聲來獨樹，小荷踈影占前塘。
閑心終不忘魚釣，澹分真宜習老莊。
報國自知無世用，烟蓑何日卧清漳。

秋興浩然追憶館殿幽，致偶成長句寄徐休學士

輶車南去詠江天，閑憶羣賢倍黯然。
御水莎青孤立鷺，宮槐烟冷數聲蟬。
石渠吏散簾風靜，鳳闕雲歸霽景鮮。
幽致不知何日共，思君惟賦帝京篇。

宿江西寺

獨宿西林夜凝然靜擁袍巫雲秋暝峽楚月冷生
濤莎敗蛩猶噪鄉遙夢亦勞霜風開落葉還欲續
離騷

聞杜宇

曾為深窈無處雪長年江上哭青春平林雨歇殘
陽後愁殺天涯去國人

巴東寒食

春雨蕭蕭寒食天遠行猶在楚江邊人思故國迷
殘照鳥隔深花語斷烟薄宦未能酬壯節良時空

寇忠愍公詩集卷中

十三

自感流年因循未學陶潛興長見孤雲倍黯然

春晚書事

春盡江天景寂寥思鄉還共楚雲遙林花經雨香
猶在堤柳無風絮自飄水國獨慚臨縣邑烟郊爭
合負漁樵青梅時節遲歸計且逐餘芳殢酒瓢

月夜懷故人

清夜月初滿蘚庭吟更幽梧桐踈影老蟋蟀亂聲
秋舊國情何極空江思欲流故人今底處危坐獨
凝愁

和趙瀆監丞贈隱士

不愛簪裾陪盛列終年深隱養天機
靜聞風雨眠漁艇閑稱林泉掛道衣
門接水村多埜色鶴當莎徑立殘暉
高吟幽賞無羈束始覺趨時事已非

雨夜書事

離人聽積雨滴滴動鄉心故國程猶遠
重門夜正深氣昏濛燼燭巢冷語棲禽
遙想江南地餘花委故林

歸州留別傅君

寇忠愍公詩集卷四

十四

楊柳如絲拂画橋此中留語欲魂銷
還愁別後巴東館獨聽空江半夜潮

秋晚閑書

吟情自覺都無趣况復離居感物華
厭讀羣書尋埜徑閑收落葉煮山茶
燒殘寒菊花猶在霜過香橙味轉加
因想前期重搔首不堪秋思極長沙

聞笛

平野人歸后孤城日落時西風聞一笛
惆悵憶桓

伊

縣齋春書十二韻

縣幽無俗事公退只高吟江到荆門濶山連蜀國
深峽雲長映日蠻雨易成霖羣雀鳴春院饑猿叫
夜岑庭荒多古木地僻見沙禽印鏤殘陽後人歸
疊翠陰思鄉空索寞素分信浮沈樂靜稀塵累甘
閑負壯心衰容常懶擲病髮豈勝簪寡欲慵求友
防邪每自箴澆風終恥合前事固難謀望斷天涯
外離魂欲不禁

余頃從穰下移涖河陽洎出中書復領分

寇忠愍公詩集卷中

十五

陝惟茲二鎮俯接洛都皆山河襟帶之地
也每凭高極望思以詩句狀其物景以而
方成四絕句書于河上亭壁

堤草惹烟連堊綠岸花經雨壓枝紅年來多病辜
春醉惆悵河橋酒旆風

蟬鳴日正樹陰濃避暑行吟獨杖筇却愛堊雲無
定處水邊容易聳奇峯

岸濶檣稀波渺茫獨凭危檻思何長蕭蕭遠樹疎
林外一半秋山帶夕陽

莫天窳落凍雲垂一望危亭欲下遲臨水數村誰
畫得淺山寒雪未銷時

秋夜懷洛下一上人

遊宦忘機久心源亦自澄夜聽吳苑雨秋憶洛城
僧木葉驚栖鳥寒窗暗靜燈何時過竹院一得問
三乘

題花

繁花昨夜香苞裂露裊風吹照堊堤能與離人添
悵望一時留與子規啼

宛心隱公詩集卷中

十六

春望書事

因晴每日向吟臺縱目山城景象開白鳥靜投沙
浦去落花閑逐堊泉來客愁已被楊烟染春色難
甘蜀魄催看即流芳無處問但將餘興滯黃醅

秋日懷友生

寂寂感離羣前期何足云人從秦嶺別蟬向楚江
聞村遠孤烟起山空白日曛更逢疎葉落愁緒轉
紛紛

春初夜書

水國淹留歲月空雲山東去阻千重欲令遙夜春
愁薄須賴黃醅臘酒濃南浦有潮春柵鏤西窓無
睡怯巖鐘誰家幾點畝田火疑是殘星掛遠峯

江上

古岸蕭蕭聞去雁平蕪杳杳更斜暉空江極目望
不盡楓葉半紅人未歸

夜望

南亭閑坐欲忘機望以前村島嶼微數點寒燈起
烟浪江艇應見夜漁歸

送人

寇忠愍公詩集卷中

二七

客亭殘照裏歌闌獨南行芳草無斷色離人多別
情遠途方極目長笛更飛聲莫動鄉關念徒令白
髮生

早春

溪水覺暖微函碧山杏經春半吐紅不向此時拚
一醉到頭無計柰春風

寄漳川隱士

志高長說恥鳧趨歲晏園林戀隱居陋巷自甘棲

短褐侯門終不曳長裾夜吟雪屋冥搜句春結烟
簾老釣漁為我紅塵偶為吏近來還寄絕交書

又

慵趨大廈戀山薇立志由來與世違溪上有時逢
靜釣雪中長日掩闌扉自知天爵高人爵不愛朝
衣換布衣我逐浮名任飄泊清泉難得共忘機

題巴東寺

寺在帝猿外門開古澗涯山深微有徑樹老半無
枝望遠雲長暝談空日漸移恐朝金馬去還失白

寇忠愍公詩集卷中

六

蓮期

贈隱士

夫子住東壑經年不到城愛吟無俗趣貪靜得閑
名荒逕侵山影虛堂出燕聲我慚為俗吏泉石負

幽情

南亭晨望寄唐知郡

夢覺偶晨起南軒還獨過曉光生遠樹露氣冷疎
荷窻白遊塵少風清靜興多遙知江郡守幽趣在
烟波

殘月

半夜沈清影，宵殘猶半吟。已甘垂樹抄，由得掛天心。
淡色迷蓬戶，餘光映宿禽。誰家傷早別，凝思共沈沈。

又

光隨春漏細，影共夕烟流。若近明河沒，還疑墜玉鉤。

巴東有感

長歲天涯悲斷梗，逢春無處不傷情。那堪日落紅

寇忠愍公詩集卷中

十九

樓伴更聽蕭蕭杜宇聲

首夏書事

窻戶經初雨，風清楚景饒。閑庭猶戲蝶，高樹已鳴蜩。
世態貧中覺，鄉思醉裏銷。縱吟還獨步，時復過溪橋。

和李逢同年水閣閑望

務簡凭危檻，凝然感物華。孤村經楚燒，極浦見漁家。
灘急舟難渡，山高日易斜。明時如道在，焉復痛懷沙。

塞上秋懷

木識窮邊苦今遊信有之秋林殘照後關路獨行
時磧迴風長急天寒雁度遲離心已無賴更聽戍
樓鼙

送人歸吳

忽憶湖山景沿流興不窮孤舟將去夜絕塞已來
鴻白髮前期近滄州舊業空明時方道在莫更學
漁翁

秋日

寇忠愍公詩集卷中

二十

江天物候潛裏變氣爽初疑夏景餘雨漬亂苔侵
古壁風飄紅葉滿荒渠晚雲連嶽幽藏寺秋水澄
江靜見魚昔歲一鳴無所恨綠槐金藥任蕭疎

寄贈笠澤處士

笠澤漁人高節竒白頭猶自著蓑衣吟過竹院僧
留宿釣罷烟江鶴伴歸花落砌邊春雨歇酒醒林
際夕陽微中朝名士皆知已多說東來信亦稀

柳

曉帶輕烟間杏花晚凝深翠拂平沙長條別有風

流處密映錢塘蘇小家

喜吉上人至

鄴北至夔城三千里外程勞尋苦吟伴獨入亂山
行楚水秋無際巴猿夜有聲逢師不能寐因話故
鄉情

早秋二絕

年光苒苒暗推移坐惜流年感舊期獨聽早蟬秋
色裏潘安初見二毛時

一聽早蟬響坐悲芳歲闌新秋空索寞前事但心

酸

宛思隱公詩集卷四

十一

秋日武關道中

行塵漠漠起西風來徃征軒似轉蓬駐馬幾多愁
思苦亂蟬衰柳武關中

早春

日暖經冰泮潛回律管春初驚柳色重漸見草芽
新樽酒留歡少雲溪入夢頻惟應五侯地行樂及
芳辰

書山館壁

時年十九

秋作西南使千林履去程四時無日影終夜有猿
聲路入溪雲過人穿鳥道行不堪孤驛望風雨動
鄉情

送趙主簿之任惠安

蕭蕭征騎立長亭遙指天涯萬里程尊酒欲闌人
欲別夕陽絲管盡離聲

秋氣凜然庭木將墜道謙上人有南征之

役賦詩祖行

洪府多佳致師今欲此行寒山連楚遠白浪浸吳

宛忠懿公詩集卷中

三

平烟雨經秋迥霜鴻入夜鳴到時春未莫閑聽鷓
鴒聲

酒醒

勝遊歡宴是良圖何必淒淒獨向隅深院酒醒春
日晚只聞芳樹語提壺

南陽春日

水滿池塘花遠城日斜南陌暖風輕千門柳色春
烟淡獨倚高樓聞鶯

春日長安故苑有懷

唐室空城有舊基荒涼長使後人悲
遙村日暖花空發廢苑春深柳自垂
事著簡編猶可念景隨陵谷更何疑
入梁朝士無多在誰向秋風詠黍離

送人遊邊

遠行當歲莫冰雪路難分
疋馮陽關外邊聲落日聞

惜花

深謝暖風傳馥郁長憂夜雨暗摧殘
黃昏欲放笙歌散更遠朱闌子細看

微涼

高桐深密間幽篁乳燕聲稀夏日長
獨坐水亭風滿袖世間清景是微涼

帝城秋望

登臨秋向盡千里見王畿
過雨山逾翠經霜菊漸稀
平原夕靄起高樹宿禽歸
一望關河道空令詠式微

禁中偶書所懷呈內翰同年同院二學士

朝回內省中默坐對西風
秋色澄寒沼朝陽上古

相龍墀慚近侍魚浦憶踈蓬會待酬恩了烟蓑伴
釣翁

新秋

孤吟遠桐砌時節又西風悵望新秋在歡娛往事
空柳條微減翠蓼穗已飄紅正是多傷感仍將別
恨中

春晝

年長追遊興漸凋况兼巴峽景蕭蕭閑齋為謝楊
花到時拂殘書慰寂寥

寇忠愍公詩集卷中

三

秋日晚晴池上作

雨歇南山積翠明淡雲消盡遠天晴漪漣不動秋
塘靜獨拄寒筇遶岸行

夏日

離心杳杳思遲遲深院無人柳自垂日莫長廊聞
燕語輕寒微雨麥秋時

留題郡樓

千里關河一望間登臨長到夕陽還欲驅征旆歸
朝去更倚高樓看莫山

青州西樓雨中閑望

海上秋添寂莫情萬家烟樹暝重城蕭蕭細雨遙
天莫獨向空樓聞笛聲

中書秋日有懷青社舊遊因書一首

掖垣秋色生鷄樹忽憶青丘感舊情曾倚西樓吟
暮雨數峯寒碧遠高城

贈寶上人

重城蕭寺雖留滯楚鶴由來性本閑寒磬終宵鳴
竹院虛窓盡日對秋山旋移怪石資吟賞應有孤
雲共往還自笑紅塵成底事幽期長是負松間

寇忠愍公詩集卷四

五

雨夜許氏第會宿各賦四韻

雨夜銷煩暑林塘向夕幽庭虛惟欠月樹冷欲生
秋河北嗟新別尊前念舊遊若非逢勝會何以解
離憂

水閣夜望書懷

水閣中宵動寥寥起遠思秋風生折葦星彩動寒
池白社孤前約青雲少舊知苦吟空自歎風雅道
由衰

離京作

致君才業本無能，戀闕情懷老不勝。
欲過龍津重回首，腫龐初日上觚稜。

洛陽道中感懷

天陛初辭咫尺顏，恩深猶綴補臣班。
漢庭舊友彫零盡，獨擁雙旌入武關。

初到長安書懷

薦承丹詔撫彫殘，適值年豐萬井安。
舊職尚兼黃閣貴，前驅新擁碧油寒。
靜憐風竹經宵聽，老愛山

寇忠愍公詩集卷中

三

雲盡日看魂夢，不知關塞外有時猶得到金鑾。

遊花巖寺

寺對南山積翠濃，水村鷗鷺下遙空。
層樓望盡樊川景，恨不凭欄烟雨中。

寄京兆向相公

敏中

九萬鵬霄振翼時，與君同折月中枝。
試思淳化持衡者，得到如今更有誰。

和向相公見寄

玉殿登科四十年，當時交友盡英賢。
歲寒唯有君

兼我頭白猶持將相權

送轉運梅學士 詢巡邊郡 四首

悵飲惜離羣窮邊去路分雪深山館夜孤雁背燈
聞

絕塞程方遠窮陰歲欲殘石城歸夢斷隴月照人
寒

水遠沈來信山長疊去愁夜深關月白休凭驛邊
樓

夙駕巡邊徼歸程隔亂山長安花木麗春苑待君

寇忠愍公詩集卷中

三

還

春晝偶書

白晝偶成芳草夢起來幽興有誰知風簾不動黃
鸝語坐見庭花日影移

秋夜懷歸

渭水苔磯阻舊遊夢回空館却凝愁一聲江笛巴
雲暝半夜山風楚樹秋星落古池孤影動燈搖踈
壁冷光幽遲明不寐空搔首蹤跡何由得狎鷗

憶洛陽

金谷春來柳自黃
曉烟晴日映宮牆
不堪花下聽
歌處却向長安憶
洛陽古歌云金谷園中柳春來似舞腰那堪風景好獨上

長安春望感懷

暉
灞岸春波遠
秦川暮雨微
凭高正愁絕
烟樹更斜

春晝

歸
午晝花陰靜
春風數蝶飛
坐來生遠思
深院燕初

寇忠愍公詩集卷中

三

岐下秋書

碧樹微涼露氣清
清感愁懷舊
獨舍情西樓月夜明
如水只欠桓伊一笛聲

憶岐下小池

長憶西園清夜景
酒闌無不獨臨池
可憐龍月三更白
誰見紅蕖露滴時

岐下西園秋日書事

務簡羣吏散
披襟幽興長
松筠經晚節
蘭菊有清香
水淨澄秋色
山高見夕陽
身閑心自泰
何必濯

滄浪

秋懷

輕雲不動日微陰
高樹無風秋色深
獨聽暮蟬臨水坐
十年林壑阻歸心

秋

自古名高衆毀歸
只應身退是知機
林風驚斷西窗夢
一夜秋聲憶翠微

冬日北齋

寒風颯颯響庭槐
愛日明窓坐北齋
閑憶故山歸

寇忠愍公詩集中

无

未得舊遊時
展認雲崖

秋齋

霽景有誰同
遠望秋懷無柰只
悲歌雲收遠嶠凝
嵐翠雨歇空庭敗
葉多

洛陽有懷岐山舊遊

綠鬢年來已漸彫
舊遊芳草路迢迢
山橫遠翠凝歌黛
柳拂輕梢認舞腰
秦甸夢回空有恨
洛城吟斷獨無膠
斜陽更上高樓望
始覺離情一倍饒

憶岐下舊遊

二年岐下假諸侯事簡民安選勝遊花寺水村時
駐馬莫天秋雪獨登樓靜眠鈴閣聞羌笛閑酌松
醪引越甌別後幾回空有恨葉飛蟬噪動離愁

無題

金甲珠襦鏤繡扁杜城殘月葵城英春風候館花
如雪空有鶯傳度曲聲

秋日登後樓

遠山重叠故闕遙公退乘閑上麗譙今日登臨秋
思苦雨荷風葉共蕭蕭

宛思惠公詩集卷中

三

早春

星紀周天運微陽氣候新郊原初度臘梅柳暗驚
春故國無書久孤峰入夢頻年加自多感况復送
歸人

南陽夏日

綠楊陰密覆回廊深院簾垂晝景長人靜獨聞幽
鳥語風來時有異花香世間寵辱皆嘗遍身外聲
名豈足量閑讀南華真味理片心惟有許蒙莊

夏日有懷

庭樹陰陰夏景遲
開房愁對暮簾垂
因思往歲陪天仗
正是瑤池賜宴時

途中作

秋末楚雲端行侵
苔蘚斑愁腸不厭
酒病眼豈逢山遠
路有時到宦遊無
處閑却思清渭北
烟柳掩柴關

喜吉上人至

喜師來訪我幽會
興何長清論都無
倦鄉愁頓欲忘疎
林秋色莫虛閣水
風涼久坐慵言別
微陽下

寇忠愍公詩集卷中

三

短牆

書黃山館壁

殘日住孤館遲遲
行古臺大河連楚
去白鳥背城來離
恨渾如結鄉心漸
欲灰山花半寥落
猶在社前開

巴東驛秋日晚望

楚驛獨閑望山村
秋暮天數峯橫夕
照一笛起江船遣
恨須言命冥心漸
學禪遲遲未回首
深谷暗寒烟

掩卷

掩卷頻秋望無人共展眉
殘陽留古樹白鳥下寒池
簪組心還倦風騷志未衰
登臨一長嘆還失渭川期

巴東書事

鄉思終日有孤淡厭琴樽
衆木侵山徑寒江逼縣門
浪沈灘見脊雨過壁生痕
懣悴悲蘭蕙因思楚屈原

池上秋書

寇忠愍公詩集卷中
三
虛齋獨語復書空閑對林塘
思少同霜葉聲乾飄夕照
露荷香冷泣秋風時平偶作青衫吏
心老渾如白髮翁昨夜渭川歸
好夢一舸烟雨打孤篷

書懷寄郝監軍

索居終日學忘機深嘆高堂養
獨遲自問江村紆墨綬何當烟浦坐
漁磯夢迴渭水秦雲斷望盡巴山蜀魄飛
好怪多才郝夫子道孤俱未及輕肥

南平驛

心隨流水還鄉國身向青山上
屈盤秋夢不成秋

雨細西風一夜客亭寒

閨書

秋憶故鄉魂欲斷
晚臨寒浦思如流
歸來古屋寒燈暗
能較騷人幾處愁

秋寄江上吟僧

掛錫在荆楚
杜門無往還
潮聲到孤寺
月色遍前山
一雁驚幽思
西風慘病顏
何當重携手
高步白雲間

江上晚望

寇忠愍公詩集卷中

三

寒鐘來極浦
古寺隔重巖
斜日捲頰坐
天涯落月帆

金陵懷古

極目望吳甸
埜烟凝亂流
夜來榆塞雁
斗斷石城秋
舊苑荒餘草
平川半古丘
遲遲獨回首
落日一蟬幽

莫春感事

春至又春莫
開心成古心
花光隨雨薄
草色共烟深
粉蝶稀狂影
黃鸝送好音
餘芳留不得
還共夕

陽沈

秋興

窮秋九月西風高
疎林木落聲蕭
騷出門長望無
所適唯見空江
生莫濤

春日閑望有感

水鄉春氣變新正
風物光榮異
帝城閑步偶尋芳
草色空林獨聽
鶯聲烟霞未得
從幽興吟賞
潛悲減舊情
燕麥楊花自搖蕩
不知離客困南征

江上聞鷓鴣

水村烟樹與雲平
閑倚孤舟念遠行
無柰鄉心倍
寥落殘陽中有鷓鴣聲

醉題

榴花滿筵撥寒醅
痛飲能令百恨開
大抵天真有
高趣騰騰湏入醉鄉來

和趙監丞春江送別

孤舟東去水烟微
以客那堪更送歸
三月江頭春
盡日片帆輕絮共紛飛

送李生二絕句

愛君白髮無羈束命駕常為千里遊一夜春江又
回棹當時風雨滿汀洲

晴色半和行色遠江頭別來欲何之數盃酒盡又
南去正是落花春莫時

與詩友會宿

此夕南軒宿論詩萬慮忘苦吟秋信近寂坐漏聲
長室靜燈光暗桐疎露氣涼幽懷聊自遣山色漸
蒼蒼

南冠亭秋晚閑望

寇忠愍公詩集卷中

七

南冠亭外淡江天夕客登臨更浩然遠浦秋深翻
白浪孤山日暮起蒼烟已嗟異國逢衰節况復西
風聽亂蟬倦鳥知還雖有意故林無奈隔秦川

峽中春感

二年窮峽外不見帝城春覽照知年老逢花感恨
頻浮榮何足貴幽別轉難伸終憶歸清渭林泉卜
舊鄰

東歸再經峽口

復命經三峽波瀾極目愁片雲生斷壁孤石礙中

流道路連巴塞風烟接楚丘重來登望處因念昔
年遊

江上晚行

秦川不得却歸耕奉詔年來在楚城孤寺殘鐘催
夕照汀洲踈葦送秋聲西風獨起湖山思久客應
知寂寞情楚鶴慚無鷺弋意對人孤立水烟平

初秋即事

古邑端居夏景移炎颺經雨自收威蓮裹小渚秋
光淡蟬噪平林夕照微冷句每招江客和深心終
約嶽雲歸晚涼却近南亭立獨看沙鷗向浦飛

蓮

數柄踈荷出小池幽香深謝好風吹曉來秋氣凝
清露似學湘妃怨九嶷

望都雨夜

孤驛蕭條風雨夜夜聲窸竹動秋聲離魂無睡難
成夢却遶長廊獨自行

戌安秋望

八月西風蟬噪時蕭蕭踈葉已辭枝烟村物景都

無賴况是登臨有所思

夏日晚涼

微涼天氣似秋期風觸疎簾影自移
遠夢有時尋水寺孤吟終日對
莎池笋梢成翠堆輕籜梅實翻
黃壓嫩枝元兀騰騰聊自遣
此懷深謝老僧知

輦下書懷

身名長似夢家計盡蕭然
旅宦遊梁苑歸心滿渭川
郊原秋變色桑柘晚生烟
願得長閑去何妨老一廬

冬日偶書

戶庭初過雪鳥雀亦聲稀
天淡雲容結林寒日影微
虛名何足道前是旋成非
簪紱全忘念終須掃澗扉

巴東縣齋秋書

訟庭終日靜琴鶴亦長閑
晚樹生涼吹秋思在遠山
水穿吟閣過苔遠邛床斑
幸有江雲看何須卜往還

江行書事

孤掉泐流岸凝懷似舊遊朝雲生嶽頂斜月動江
流賤節難于世離心易感秋因思六朝事千古有
遺愁

月夜懷杜陵友生

一忝軺車命三逢水國春重看漢浦月獨憶杜陵
人旅宦違前計歸田失舊隣年來更多緒清淚滿
衣巾

贈僧

重城須以住塵事日全無落葉驚秋信思山展舊
圖貌同仙鶴瘦心似片雲孤念我浮名在還將靜
者珠

楚江有弔

悲風颯颯起長洲獨弔靈均恨莫收深岸自隨浮
世變遺魂不逐大江流霜淒極浦幽蘭莫波動寒
沙宿雁愁月落烟沈無處泊數聲猿叫楚山秋

秋雨懷友生

江城秋雨歇孤坐役吟身草色荒三逕虫聲滿四
隣邊鴻來已近庭葉落還頻對此空搔首無由面

故人

南亭

初夜南亭望清吟露濕衣雨餘羣籟發天淡數星
稀秋氣又還至故園猶未歸虛堂愁重入燭白冷
光微

贈惠政上人

惠政成安人也此詩碑
在成安縣公祠西壁

寥寥長日掩松闕白首忘機古寺閒香爐石房終
曉講葉堆莎徑憶秋山澄泉心地清無染莖鶴精
神老更閑孤坐有誰同此意白雲空見渚禽還

宛志惠公詩集卷口

三

輦下春望

獨向東門凝日望園林無處不啼鶯鄉心已似揚
花亂歸路那堪莖草生紫陌盡應趨勝地紅塵誰
肯受開名年來却羨滄江叟長在湖山聽浪聲

題楊氏別墅

門巷枕江瀆疑將俗境分湖山晴後見天籟靜中
聞徑僻苔空老林寒日漸曛高懷無一事長歲似
孤雲

再到鄴下有感

漳濱勝地皆宇宙，落晚歲重來恨莫收。
極浦寺藏雲樹老，故人門鎖雨苔秋。
烟霄得路輸時彥，泉石忘機阻舊遊。
今日重思昔年事，放懷惟上夕陽樓。

咸安秋望有懷

年加心地轉如灰，書篋經旬亦懶開。
詩句偶吟皆感事，文章無用獨傷才。
秋蟬殘韻搖疎樹，夕照寒光下古臺。
閑遠岸莎看楚水，暗流紅葉不重回。

書懷寄唐工部

不才曾忝吾君選，紫殿科名志已酬。
孤立敢言逾素分，高吟深愧預清流。
西風獨見江籬莫，紅葉還思苑樹秋。
多謝明公知賤節，每貽清句緩牢愁。

鄴中和崔邁著作

虛室凝愁厭夜眠，長吟靜對欲涼天。
夢回故國人空遠，望斷重城月自圓。
時泰未能拋組綬，性孤終是憶林泉。
明朝奉詔選方去，何處烟江寄客身。

獨倚空樓畏景殘，凝眸魂斷楚雲端。
猿聲一作清好

雜江聲聽山色一作遠宜和霽色看鳥掠，平蕪堪入

畫風來危檻欲生寒，蕭蕭前浦歸帆靜。
落日長吟

且凭欄

漢上偶書

謫仙唐室遊茲郡花下聽歌醉眼迷今日漢江烟
樹靜更無人唱白銅鞮

李白常有歌云落日欲沒
峴山西遊客醉歸花下迷

鹿門小兒齊拍手
欄街爭唱白銅鞮

春陵聞雁

蕭蕭疎葉下長亭雲淡秋空一雁經惟有北人偏
悵望孤城獨上倚樓聽

又

寇忠愍公詩集卷中

五

危欄秋盡偶來凭霜落秋山爽氣澄誰道衡陽無
雁過數聲殘日下春陵

衡州有回雁云
雁止於衡陽不得

贈魏野處士

人間名利走塵埃惟子高閑晦盛才歌枕夜風喧
薜荔閉門春雨長莓苔詩題遠岫經年得僧戀幽
軒繼日來却恐明君徵隱逸溪雲誰得共徘徊

寇忠愍公詩集卷中

寇忠愍公詩集卷下

荆南秋望

西風吹戶牖猶自客荆蠻積水浮秋漢微陽淡遠
山蟬稀疎葉盡雨歇片雲閑柯日忘簪紱深居石
室間

江上送別

浪疊春江遠樹微落花風雨共淒淒愁人此際腸
頭斷况是登臨更送歸

送人往嶺表

炎光君此去旅恨杳何窮海樹瘴烟黑蠻村山路

中

秋日

柳裏蟬噪寒烟淡地迥山遙暮雨收宛是昔年秋
氣味只添多病與離愁

留題洛北羅漢閣

地高閣迥宜閑望望盡雲山首懶回林下埜僧應
笑我半年旌旆四曾來

判都省懷感

昔為學士掌三銓屈指年光三十年秋雨滴堦桐

已老白頭重到倍依然

余頃年手植桐樹在省有朽者

輦下春日

雨餘宮闕麗春陰三月花光照上林誰倚青樓望
歸騎日斜南陌柳烟深

南宮齋宿靜思陝城東閣竹

南宮向夕景彌清風竹蕭然動遠情憶到陝城東
閣畔拂窓敲砌送寒聲

途次方城

寇忠愍公詩集卷下

二

方城舊路四曾過此度偏饒悵望多獨倚客亭思
往事南陽何異夢南柯

經郴州永興驛

昔擁雙旌在斗城今朝孤館語同名天遙秦樹無
因見極目空饒悵望情

臨海驛夏日

嶺外炎蒸當盛暑雨餘新館覺微涼最憐夏木清
陰合時有鶯聲似故鄉

海康西館有懷

風露淒清西館靜悄然懷舊一長嘆海雲銷盡金
波冷半夜無人獨凭欄

長安春日

淡淡秦雲薄似羅灞橋楊柳拂烟波夕陽樓上山
重疊未抵春愁一倍多

病中書

多病將經歲逢迎故不能書惟看藥錄容只待醫
僧壯志銷如雪幽懷冷似冰郡齋風雨後無睡對
寒燈

宛忠愍公詩集卷下

三

長安春書

務閑公府都無事騎吏前驅引馬行雨霽晚街官
柳色日長春寺講鐘聲雲山已有終南秀泉石猶
思洛下清聞道曲江新水滿欲携歌管出重城

宮詞

長門秋夜雨窻外滴寒聲悔不先辭輦應無別恨
生

柳

絲翠最宜經宿雨絮飛爭忍逐香塵簾垂獨院無

人處一樹風搖日午春

杜陵

燕有情還至花無主亂開杜陵人不見夜月自徘徊

左馮寺樓閒望

閑思至道年中事獨倚左馮城外樓目斷平臯人不見莫天無際水悠悠

偶書

往事都如夢流年只斷魂不堪春盡日細雨欲黃昏

寇忠愍公詩集卷一

四

昏

途次鄧州

南陽西去見遺基駐馬平郊遠樹微自笑平生無所着不如山鳥解思歸

春雨

漠漠霏霏着柳條輕寒急信杏花嬌江南二月如烟細誰正春愁在麗譙

感舊

長思密勿侍甘泉丹地翱翔獨少年重到文昌倍

惆悵秋風霜鬢共蕭然

途次三絕

秋風故闕路蟬噪日斜時有客驅征馬茫茫天
涯

大澤荒草闊行人心慘悽邊雲時斷續流水自東
西

沙濶戍樓迥風高邊日清遲遲驅疋馬何處問歸
程

冬日偶成

寇忠愍公詩集卷下

五

正是旅愁悲遠宦况逢邊塞向殘年輪蹄影絕冬
深路鳥雀聲稀雪後天探騎經旬無使客戍樓終
日有烽煙病來無復拈樽酒獨向虛窓盡日眠

九日郡公出遊郊外余方卧郡齋聽水因
寄一絕呈諸官

菊老東籬人病酒西風黃葉滿荒田不知今日登
高興何似虛堂聽冰眠

春日偶書

柳岸花塘慵獨賞閉門春盡阻開遊少年多故心

先老却被人疑似白頭

送溫尚書入洛

蕭蕭紅葉馬前飛又送王孫書錦歸
却到舊遊應
悵望故溪秋蘚滿魚磯

小韓店

昔從鄴下遊梁苑孤店曾經十數回
歲月暗移人事改白頭重到小韓來

虛堂

虛堂寂寂草虫鳴欹枕難忘是舊情
斜月半軒疎樹影夜深風露更淒清

宛心應公詩集卷二

二

憶樊川

閑想舊遊都是夢別來秦樹又西東
高秋最憶樊川景稻穗初黃柿葉紅

東窓

徙倚東窓夜未明悄然幽館獨凝情
燈搖古壁秋虫怨露下踈林宿鷓鷀
道在任從時態薄年加潛覺睡魂輕
待酬北闕君恩了歸聽冰泉落石聲

九日不飲

雲淡長空日欲斜
水邊衰柳罽寒鴟
病來不飲空
凄感獨遶東籬詠菊花

和人春莫

流年賦分長多感
晝日長思立短亭
猶謝海棠花
始發似留春色向凋零

又

昔曾過洛浦
遺恨寫蒼苔
往事詩空在
春深我獨來

蚤行



